

**SCOLA
LUMNEZIA**

180.10

Uorden disciplinar

dils 08 d'ust 2013

<i>Decisiun</i>	<i>vigur</i>	<i>versiun.</i>	<i>midada</i>
08.08.2013	19.08.2013	1.1	niev
04.06.2020	01.08.2020	1.2	rev.



Uorden disciplinar dalla Scola Lumnezia

A. General

art. 1 Intent

¹ Igl uorden da scola scola ed igl uorden disciplinar dalla vischnaunca Lumnezia garantesch in menaschi da scola reglau.

art. 2 Vigur

¹ Igl uorden disciplinar vala per tut las scholaras ed ils scolars dalla scola Lumnezia.

² Las indicaziuns da personas, da funcziuns e da professiuns che figureschan en quest uorden disciplinar sereferesch ad omisduas schlatteinas, aschilunsch ch'il senn ei buc evidentamein in auter.

B. Reglas da cumportement

art. 3 Disciplina en scola

¹ Ils scolars han da secuntener vicendeivlamein a moda discreta, respectonta e toleranta e tralasar remarclas offendentas.

Ils scolars sedeportan andantamein denter els, enviars personas d'instrucziun, autoritads da scola e persunal da scola.

² Ils temps da scola ein da respectar strictamein. Las directivas dallas personas d'instrucziun, dalla direcziun da scola, dallas autoritads da scola e dil persunal da scola ein d'observar.

³ Ils scolars duein evitar tut quei che disturba il menaschi da scola.

⁴ Senza lubientscha d'ina persuna legitimada, eis ei buca lubiu da bandunar il plaz da scola enteifer il temps da scola¹.

art. 4 Stanzas, indrezs ed apparaturas

¹ Ils uordens dallas casas da scola, dallas localitads, pigl areal da scola ni per auters indrezs duvrai dalla scola, ein d'observar. Medemamein eis ei da respectar las directivas a scret sco era quellas a buca entras personas d'instrucziun, persunal da scola ni direcziun dalla scola.

² Ils scolars han da haver quitau dils indrezs e las localitads sils areals da scola, sco era dils urdeins e dil material da scola.

¹ Cul temps da scoal ei manegiau il temps ch'igl ei scola, ni cura che la scola organisescha in'occurrentza. Ella regla sextracta ei cheu dil temps d'instrucziun tenor urari (07.30 uras - 11.50 uras e dallas 13.00 -16.00 uras).



art. 5 Mieds nuscheivels

¹ Fimar ed il consum sco era posses da mieds alcoholics e da drogas ein strictamein scumandai sigl areal da scola e duront occurrenzas da scola.

art. 6 Apparaturas electronicas (handy, ipod, ipad, etc.)

¹ Apparaturas electronicas privatas (handys, ipod, etc.) ston esser sclaussas duront il temps da scola (incl. pausas, occurrenzas da scola, ...) e buca veseivels.²

² La persuna d'instrucziun sa decider davart excepziuns dil diever d'apparaturas privatas.

art. 7 Viadi a scola

¹ Per il viadi a scola han ils geniturs (ni las personas cun autoritad d'educaziun) la responsabladad e l'obligaziun da survigilonza. L'excepziun fuorman ils transports organisai entras la scola.

C. Puniziuns disciplinaras, cumpetenzas, procedura

art. 8 Puniziuns disciplinaras

¹ Surpassaments viers igl uorden disciplinar vegnan puni cun reprimandas, lavurs da castitg, arrest ni cun ina lavur speciala sut survigilonza.

² Duront igl arrest duei il scolar vegnir survegilaus. Il cuoz maximal pigl arrest e per las lavurs specialas munta a 6 mezs dis.

³ Ils geniturs (representanza cun dretg d'educaziun) ein d'informar davart mintga mesira disciplinara entras l'istanzas che decida.

art. 9 Cumpetenzas

¹ La persuna d'instrucziun e la direcziun da scola san ordinar ina reprimanda a scret ni a bucca, lavurs da castitg ed arrest tochen a 3 mezs dis per cass.

² Il cussegl da scola ha la cumpetenza d'ordinar tut las puniziuns disciplinaras pusseivlas.

art. 10 Constataziun dils fatgs, udida giuridica

¹ Specia e circumstanza dil surpassament disciplinar ein da sclarir. Il scolar ei da tedlar.

² En cass nua ch'in arrest ni nua ch'ina lavur speciala che survarga 2 mezs dis stattan en damonda, eis ei da tedlar ils geniturs, resp. lur representant cun dretg d'educaziun avon che prender ina decisiun. Sin giavisch ei la decisiun da comunicar a scret cun indiar ils motivs.

² Sa esser ellas caultschas, denton sclaus e buca veseivel ord las caultschas



art. 11 Recuors

¹ Encunter decisiuns da castitgs disciplinars entras la persuna d'instrucziun ni entras la direcziun da scola sa vegnir fatg recuors enteifer 10 dis sunter la communicaziun tiel cussegl da scola. (cump. art. 14 digl uorden da scola)

² Sebasond sin la lescha da scola cantunala san personas directamein pertuccadas recuorer encunter decisiuns en cass disciplinars pri entras il cussegl da scola tier il departement d'educaziun, cultura ed ambient.

D. Disposiziuns finalas

art. 12 Informaziun personas d'instrucziun ed autoritad da scola

¹ Davart cass disciplinars informeschan las personas d'instrucziun, la direcziun da scola e las autoritads responsablas in l'auter vicendeivlamein, commensuradamein e risguardond l'obligaziun da discreziun.

art. 13 Execuziun


¹ Las personas d'instrucziun, la direcziun da scola ed il cussegl da scola ein mintgamai responsabels per l'execuziun dils castitgs ch'els han ordinau. L'execuziun sa era vegnir delegada a personas d'instrucziun, ad autras personas ni instanzas.

art. 14 Entrada en vigur

¹ Igl uorden disciplinar ei vegnius approbaus dil cussegl da scola ils 08 d'uost 2013 e va en vigur cun l'entschatta digl onn da scola, ils 19 d'uost 2013. Ella remplazza tut ils uordens disciplinars e directivas correspudentas valeivlas tochen uss.

Cussegl da scola Lumnezia

La presidenta:


Elisabeth Lorez

Il menader da scola:


Conradin Caduff